

ոտճիկի դիմաց տրվող այլ հողային եկամուտներով: Որքան ավելանում էր դինվորականութեան թիվը, համապատասխան շափով պետք է ընդարձակվեին նաև պետական հողային ֆոնդերը:

Գահ բարձրանալով Սուլթան Մուհամմադ Խուրբանդան (1578—1587) սկսեց կրզըլբաշ էմիրներին համապատասխան օլբաներ բաժանել: Սակայն, երկրում գոյություն ունեցող օլբաների մեծ մասը արդեն բաժանված էր, իսկ մի մասն էլ գրավված թուրքերի կողմից. այդ պատճառով էլ շատ էմիրների օլբաներ չհասան, և իրենց ոտճիկները նրանք կանխիկ դրամով ստանում էին պետական գանձարանից: Ըստ Իսքանդար Մունշու, այս հանգամանքը առիթ է տալիս նոր խոռվությունների և գծտուլությունների կրզըլբաշ էմիրների միջև²: Զինվորականությունը նախընտրում էր կանխիկ գումարի փոխարեն ստանալ թիուլներ կամ հանձնարարություններ՝ այս կամ այն հարկատու համայնքի վրա, որպեսզի կարողանար մի քանի անգամ բազմապատկել ստանալիք գումարը: Զինվորականության այդ ձգտումը բացատրվում էր նաև այն բանով, որ շատ հաճախ ստանալով ցմահ որևէ հարկատու օբյեկտի բոլոր հարկերը՝ գանձելու իրավունքը, նրանք փաստորեն դառնում էին տվյալ գյուղի կամ գյուղերի տերն ու տնօրենը և կաշառքով ու զանազան խարդախ միջոցներով սեփականացնում դրանք: Ահա թե ինչու «թիուլ» կամ «համեսալե» ստացողները ամեն կերպ աշխատում էին ձեռք բերել այնպիսի օբյեկտներ, որոնք մոտ էին իրենց հիմնական բնակավայրին: Թե ինչպես էր կատարվում ոտճիկների դիմաց տարբեր հարկային օբյեկտներից, այդ թվում նաև դիվանի գյուղերից, մեծ մասամբ բնամթերքով գանձվող հարկերի բաշխումը զինվորականության: միջև, կարելի է պատկերացնել Իսքանդար Մունշու հետևյալ նկարագրությունից. «Շարունակ նորին գերազանցության (Շահ Աբբաս Ա.— Ն. Փ.) մտահոգության առարկան այն էր, որ թե՛ հաղթական զինվորները, թե՛ նորին սրբության ապանդակին ծառայողները, նույնիսկ արքունի գործատուների վարպետներն ու աշկերտները որոշյալ վայրից ստացվող ամենամյա ոտճիկներ ունենան, որ ամեն տարի այդ վայրից ստանալով շարունակեն ծառայություն մատուցել և այդպիսով ազատվեն դաֆթար կամ դիվան գնալ-գալուց և ոտճիկի գումար կամ օրապահիկ պահանջելուց: Ուստի, կարգադրեց որպեսզի զորքերի ամբողջ պահանջը վճարվի ամենականխիկ (վճարունակ) վայրերից: Այս գործը նա հանձնարարեց մեծապատիվ է՛ թեմադ-ուդ-դովլե, բարձրագույն դիվանի վեզիր Միրզա Աբուլթալիբին... որպեսզի արքունի դաֆթարխանների քարտուղարների հետ միասին այդ ձմեռ (1617—1618) մնան Թավրիզում և յուրաքանչյուր անձի կամ խմբի բաժինը ճշտեն և այնպիսի վայրերից նշանակեն, որոնք հարմար կլինեն տվյալ անձնավորության համար, ի նկատի ունենան նրանց բնակավայրերի հեռավորությունն ու մոտիկությունը, հաշվի առնեն ոտճիկ ստացողի ցանկությունը և ապա յուրաքանչյուրի բարաթը, որի մեջ պետք է շեշտված լինի «համեսալե» (ամենամյա) բառը, առանձին-առանձին տան նրանց ձեռքը:

Մեծապատիվ է՛ թամադ-ուդ-դովլեն և բարձրաստիճան մուսթովֆիները համաձայն սույն բարձր հրամանի մինչև տարվա վերջը, որ չորս ամիս է լինում (1617 դեկտեմբեր— 1618 մարտ), մնացին Թավրիզում և այս գործը հանձնարարված ձևով ավարտեցին: Տողերիս գրողն էլ, արքունի դաֆթարխա-

² Տե՛ս նույն տեղը, էջ 228: